



DEIALDIA, IZANGAI-ZERRENDA BAT HAUTAPROBEN BITARTEZ OSATZEKO, DESINFEKZIO ETA MANTENTZE-LANETAKO OFIZIAL PROFESIONAL LANPOSTUA ALDI BATERAKO KONTRATU BIDEZ BETETZE ALDERA, IRUÑEKO UDALEAN GERTATZEN AHAL DIREN BEHARRAK ASETZEARI BEGIRA

Iruñeko Udaleko Giza Baliabideetako zuzendariak deialdia onartu zuen 2017ko urriaren 31an:

Hona deialdi hau arautuko duten

OINARRIAK

Lehen.- Deialdia iragartzen da izangai-zerrenda bat hautaprobek bitartez osatzeko, DESINFEKZIO ETA MANTENTZE-LANETAKO OFIZIAL PROFESIONAL lanpostuan aritze aldera, Iruñeko Udalean aldi-aldi gertatzen ahal diren beharrak asetzeari begira.

Hona, besteak beste, lanpostuari esleitzen ahal zaizkion eginkizunak:

- a) Garbitegi eta desinfekzio zerbitzua, parkearen instalazioetan beraietan, eta lokalak zein etxebizitzak desinfektatzeko zerbitzua, hala eskaturik.
- b) Intsektuak hiltzea: intsektuen gaineko kontrola (labezomorroak, inurriak, liztorrak, liztor asiarra, eltxoak eta abar) eremu publikoan, udal-eraikinetan eta gune pribatu zenbaitetan.
- c) Arratoiak hiltzea: karraskarien gaineko kontrola eremu publikoan, estolderia-sistemetan, etxebizitzetan eta lokal publiko zein pribatuetan.
- d) Kategoria profesionalari egokitu eta nagusi hierarkikoak agintzen ahal dizkion beste edozein.

Bigarrena.- Izangaiek bete beharreko baldintzak.

2.1. Izangaiek, eskabideak aurkezteko epea bukatzen den egunean, baldintza hauek bete beharko dituzte:

- a) Espainiako herritarra izatea, edo Europar Batasuneko beste estatu batekoa, edo Europar Batasunak sinatu eta Espainiak berretsitako nazioarteko itunak direla medio langileen zirkulazio librea aplikagarria duen eremuko estatu batekoa.

Espainiarren eta Europar Batasuneko beste estatu bateko edo aipatu nazioarteko itunak sinatutako beste estatuetako herritarren ezkontideek ere parte har dezakete, betiere, zuzenbidez bereizita ez badaude, eta, orobat, beren ondorengoek eta ezkontideenek – zuzenbidez bereizita ez badaude–, hogeita bat urtetik beherakoak badira, edo adin horretatik gorakoak izanda haien kargura bizi badira.



- b) Hemezortzi urte beteak izatea eta gainditu gabe izatea nahitaezko erretiroa hartzeko ezarritako adina.
- c) Eskola Graduatuko titulua edo lehen mailako Lanbide Heziketako titulua edo horien baliokidea edukitzea eta 2. mailako profesionaltasun-ziurtagiria (izurriak kontrolatzeko zerbitzuak) edo biozidak aplikatzeko oinarritzko karneta, edo halakoak erdiesteko maneran egotea eskabideak aurkezteko mugaegunean. Hau da, Eskola Graduatuko tituluaz edo lehen mailako Lanbide Heziketako tituluaz gain, aipatu profesionaltasun-ziurtagiria edo biozidak aplikatzeko oinarritzko karneta edukiko beharko dute, horrek gaitzen baitu bioziden aplikatzaile gisara lan egiteko.

Atzerrian eskuratutako titulazioen kasuan, horien homologazio-egiaztagiria eduki beharko dute.
- d) Behar besteko gaitasun fisiko eta psikikoa izatea, bete behar dituen eginkizunetan aritzeko.
- e) Ibilgailuak gidatzeko B motako baimena edukitzea.
- f) Eginkizun publikoetan aritzeko desgaitu edo gabeturik ez egotea, ezta inongo Administrazio Publikoren zerbitzutik berezita ere.

Espainiarrak ez diren izangaiek zinpeko aitorten bat aurkeztu beharko dute, edo hitz eman, adierazteko ez dutela, beren estatuan, Funtzio Publikoan sartzea galarazten dien diziiplina-zehapen edo kondena-penalik.

2.2. Deialdi honi dagokion DESINFEKZIO ETA MANTENTZE-LANETAKO OFIZIAL PROFESIONAL lanpostuan aritzeko izangai-zerrenda bat osatze aldera hautatutako izangaiek aukera izanen dute euskara berariazko betekizun gisa dituzten lanpostuak betetzeko, baldin eta eskabideak aurkezteko mugaegunean Nafarroako Gobernuak ematen duen Euskararen Gaitasun Agiria (EGA) badute, edo ofizialki baliokidetzat jotzen den titulazioa, eta, zehazki, Hizkuntzen Europako Erreferentzia Esparru Bateratuaren C1 mailaren baliokidetzat jotzen den beste edozein agiri.

2.3. Izangaiek agirien bitartez egiaztatu beharko dute oinarri hauetako 2.1. c) eta 2.1. e) letretan eta 2.2 zenbakian eskatzen diren titulazio-baldintzak betetzen dituztela eskabideak aurkezteko unean.

2.4. Izangaiek aurreko baldintza guztiak bete beharko dituzte, eskabideak aurkezteko epea bukatzen den egunean ez ezik, hala dei egiten zaienean nola kontratazio-aldian ere.

Hirugarrena.- Eskabideak.

Deialdian parte hartzeko eskabideak Iruñeko Udalaren edozein Erregistrotan aurkeztu beharko dira, edo Administrazio Publikoen Administrazio Prozedura Erkideari buruzko urriaren 1eko 39/2015 Legearen 16.4 artikuluan aipatzen diren bideetako edozein erabiliz.



Parte hartzeko eskabideak aurkezteko epea hamar egun naturalekoa izanen da, behin deialdi hau iragartzen duen aipamena Nafarroako Aldizkari Ofizialean argitaratu eta biharamunetik aitzina. Deialdiaren testu osoa eskuragarri egonen da Iruñeko Udalaren webgunean (www.pamplona.es) eta Herritarrendako Arreta Bulegoan.

Eskabideak I. eranskinean jasotako ereduari lotuko zaizkio. Eredu hori eskuragarri egonen da Iruñeko Udalaren Herritarrendako Arreta bulegoetan eta Interneten, www.pamplona.es webgunean.

Parte hartzeko eskabidean, izangaiek adierazi beharko dute eskatutako baldintza guztiak betetzen dituztela eskabideak aurkezteko epea bukatzen den egunean.

Eskabidearekin batera, izangaiek honako agiri hauek aurkeztu beharko dituzte, betiere ezertan galarazi gabe kontratatuak izateko deituak direnean jatorrizko dokumentuak edo fotokopia konpultsatuak edo legeekin bat kautotuak aurkezteko beharra:

- Nortasun Agiri Nazionalaren fotokopia edo izangaia naziionalitatea eta nortasuna egiaztatzen dituen agiriarena, eta behar izatera, aldi baterako kontrataziorako deialdiaren 2.1. a) letran eskatutako nazionalitate- eta ahaidetasun-baldintzei buruzko agiriarenak.
- Eskola Graduatuko tituluaren edo lehen mailako Lanbide Heziketako tituluaren fotokopia edo horien baliokidearena, eta 2. mailako profesionaltasun-ziurtagiriarena (izurriteak kontrolatzeko zerbitzuak) edo biozidak aplikatzeko oinarritzko karnetarena.
- Ibilgailuak gidatzeko B motako baimenaren fotokopia.
- Euskararen Gaitasun Agiriaren (EGA) edo baliokide baten fotokopia, halakorik behar izatera.

Aipatutako agiri horiek aurkezten ez dituztenak ez dira deialdian onartuak izanen, eta ordura arteko egintza guztiak baliorik gabe geldituko dira, haien eskabidearen faltsukeria dela-eta legokiekeen erantzunbeharra ezertan galarazi gabe.

Desgaitasun bat aitortuta duten izangaiek hori frogatzeko agiria –organo eskudunak emana– aurkeztu beharko dute eskabidearekin batera. Halaber, denboraren eta baliabideen aldetik behar dituzten egokitzapenak eskatu ahalko dituzte –beharrezkotzat joz gero–, eskabidean bertan adierazita, eta, horrez gain, aparteko orri batean azaldu zer-nolako desgaitasuna duten eta eskatutako egokitzapenak.

Laugarrena.- Izangaien onarpena. Behin-behineko zerrenda eta behin betikoa.

Behin eskabideak aurkezteko epea amaituta, Iruñeko Udaleko Giza Baliabideetako zuzendariak onartuen eta baztertuen behin-behineko zerrenda onetsiko du, eta zerrenda ikusgai paratuko da Iruñeko Udalaren webgunean (www.pamplona.es) eta Udalaren iragarki-taulan –Udaletxean bertan–, zerrendan izangaien izena, abizenak eta NANA adierazita.

Egun horretatik aitzina, baztertutako izangaiek bost egun balioduneko epea izanen dute erreklamazioak aurkezteko eta eskabidean egindako akatsak zuzentzeko, Udalaren edozein erregistrotan eskabidea aurkeztuta.



Behin erreklamazioak aurkezteko epea bukaturik eta erreklamazioak ebatzita, Iruñeko Udaleko Giza Baliabideetako zuzendariak onetsiko du izangai onartuen eta baztertuen behin betiko zerrenda (izena, abizenak eta NANA agertuko dira, eta baztertuen kasuan, bazterketaren zergatia), eta agindua emanen du hori jendaurrean paratzeko Udalaren webgunean eta iragarki-taulan. Zerrendarekin batera, deialdi honetan aurreikusitako lehenengo hautapropa egiteko eguna eta tokia ere emanen dira jakitera.

Izangaietan inor bazterturik ez bada, behin betiko zerrenda zuzenean onetsiko da (izena, abizenak eta NANA adierazita) eta Iruñeko Udalaren webgunean nahiz iragarki-taulan argitaratuko da, hautapropa egiteko egunarekin eta tokiarekin batera.

Onartuen zerrendan agertzeak ez du esan nahi izangaiei aitortzen zaienik deialdian eskatutako baldintzak betetzen dituztela. Izangaiek aurkeztu behar duten dokumentazioa –edo Administrazioak jasotakoa– aztertzean ondorioztatzen bada eskatutako baldintzaren bat ez dutela betetzen, interesdunek deialdian parte hartzeagatik bereganatutako eskubide guztiak galduko dituzte.

Bosgarrena.- Kalifikazio-epaimahaia.

5.1. Epaimahaia honako kide hauek osatuko dute:

Epaimahaiburua: M^a Pilar Navarro García, Iruñeko Udaleko Hiri Ekologiako eta Mugikortasuneko Alorreko zerbitziburua.

Ordezkoa: Camino Jaso León, Iruñeko Udaleko Hiri Ekologiako eta Mugikortasuneko Alorreko zuzendaria.

Epaimahaikidea: José Antonio Girona García, Iruñeko Udaleko Hiri Ekologiako eta Mugikortasuneko Alorreko Desinfekzio Parkeko arduraduna.

Ordezkoa: María José Guindeo García, Iruñeko Udaleko Hiri Ekologiako eta Mugikortasuneko Alorreko farmazialaria.

Epaimahaikidea: M^a Dolores Albero Amorós, Nafarroako Lanbide Eskola Tekniko Sanitarioa IBko Kanpoko Harreman Profesionaletako Departamentuko burua

Ordezkoa: Raquel Ruiz Urbiola, Udal Laborategiko Kalitate arduraduna

Epaimahaikidea: Iruñeko Udaleko Langileen Batzordeko ordezkari bat, Batzordeak berak izendatua.

Epaimahaikide-idazkaria: Guillermo Minchinela Zarraluqui, Iruñeko Udaleko Hiri Ekologiako eta Mugikortasuneko Alorreko idazkari teknikoa.

Ordezkoa: Iruñeko Udaleko Zuzenbidean lizentziadun bat.



5.2. Epaimahaiko kideek parte hartzeari uko egin beharko diote, eta Tokiko Ekonomia Jasangarriko Alorreko Giza Baliabideetako zuzendaritzari jakinarazi hori, Sektore Publikoaren Araubide Juridikoari buruzko urriaren 1eko 40/2015 Legean horretarako aurreikusiak dauden arrazoiak suertatzen bada.

Izangaiek, halaber, zilegi izanen dute epaimahaikideak errefusatzea, halako inguruabar horietako bat gertatzen bada.

Epaimahaiaren osaera aldatzen bada, epaimahaikideek parte ez hartzeko edota haien errefusatzeko legez ezarritako kasuak direla-eta, jendaurrean emanen da horren berri izangai onartuen eta baztertuen zerrendekin batera.

5.3. Epaimahaia hautaprobak hasi baino lehen eratuko da.

Epaimahaia ezin izanen da ez eratu, ez jardun gutxienez kideen gehiengo osoa bildu gabe, eta, betiere, epaimahaiburua eta idazkaria edo haien ordezkari direnak bertan daudelarik.

5.4. Epaimahaiak gehiengo erabakiko dituen deialdiaren oinarriak ulertu eta aplikatzerakoan sor daitezkeen aferak guztiak.

5.5. Epaimahaiak aholkulari adituen laguntza eska dezake probarako. Aholkulari horiek haien espezialitate teknikoetan baizik ez dira ariko, eta horietan bakarrik emanen diote laguntza epaimahaiari.

Seigarrena.- Hautaprobaren nondik-norakoak eta balorazioa.

6.1. Lehiaketa-oposizioa 2 fasetan gauzatuko da: oposizio-aldia, lehenbizi, eta lehiaketa-aldia, gero, oinarri hauetan adierazitakoaren arabera.

6.2. Oposizio-aldia: Hautapen-prozesua jarraian deskribatzen den probaren bidez egingen da.

6.2.1. Proba. Proba teorikoa izanen da, eta izangaiek test erako galderak dituen galdetegi bat idatziz erantzun beharko dute –Epaimahaiak aurrez adierazitako gehieneko denboran–. Galderak Deialdi honen II. eranskinetako gai-zerrendan agertzen diren gai buruzkoak izanen dira; galdera bakoitzari erantzuteko lau aukera egonen dira, eta horietako bat izanen da balio duena.

Lehen proba 2018ko urtarrilean egitea aurreikusita dago.

Proba honek gehienez ere 90 puntuko kalifikazioa izanen du. Proba egin aurretik zehaztuko dira hori baloratzeko irizpideak eta nola zigortu akatsak aukera anitzeko erantzunak dituzten galderetan. Proba gaindituko dute ezarritako gehieneko puntuazioaren % 50 (45 puntu), gutxienez, lortzen duten izangaiek.

6.2.2. Probarako deialdi bakarra egingen da, eta izangaiek Nortasun Agiri Nazionala, AIZ edo pasaportearen aldean dutela azalduko dira hartara. Agertzen ez diren edo nortasuna egiaztatzen ez duten izangaiek baztertuta geldituko dira.



6.2.3. Hautapropa egin bitartean, beharrezko egokitzapenak ezarriko dira, proba egiteko denboraren nahiz bitartekoen aldetik, desgaitasuna aitortua eduki eta eskabidean halakorik eskatu duten izangaiendako.

6.2.4. Proba egin ondoren, izangai bakoitzaren emaitzak argitaratuko dira Udalaren webgunean eta iragarki-taulan, izangaien izena, abizenak, NANA eta puntuazioa adierazita.

Emaitzen aurka erreklamazioa paratzen ahalko da, 3 egun balioduneko epean, emaitzak Udalaren webgunean argitaratu eta biharamunetik aitzina, Udalaren edozein erregistrotan eskabidea aurkeztuta.

6.3. Lehiaketa-aldia: ez da baztergarria izanen, eta gehieneko puntuazioa 10 puntu izanen da, honako baremo honekin bat:

6.3.1. Euskararen ezagupena, ofizialki egiaztatuta (gehienez, 10 puntu).

- a. B2 maila: 8 puntu
- b. C1 maila: 10 puntu

Tituluak eta egiaztagiria Hizkuntzen Europako Erreferentzia Esparru Bateratuan ezarritako mailekin bat baloratuko dira. Maila horiek Nafarroako Administrazio Publikoko Institutuko zuzendari-kudeatzaileak emandako irailaren 13ko 210/2010 ebazpenean jasota daude, zeinak ezartzen baititu euskararen eta Europar Batasuneko hizkuntzen jakite-maila egiaztatzen duten titulu eta ziurtagirien arteko baliozkotzeak, Hizkuntzen Europako Erreferentzia Esparru Bateratuaren arabera (2010eko 117. Nafarroako Aldizkari Ofiziala, irailaren 27koa).

Maila gorenari dagokion puntuazioa emanen da.

6.3.2. Epaimahaiak ezin izanen du inolaz ere kontuan hartu alegatu gabeko eta agirien bidez egiaztatu gabeko merezimendurik, ezta aipatu den gehieneko puntuazioa baino altuagorik eman ere.

Merezimendu horiek egiaztatzen dituzten agiriak aurkezteko, bi egun balioduneko epea izanen da, probaren behin betiko emaitzak argitaratu eta biharamunetik aitzina.

Merezimenduen emaitzak hautapropa egin ondoren argitaratuko dira, izangaien izena, abizenak, NANA eta puntuazioa adierazita. Ezarritako hautapropa gainditu duten izangaien merezimenduak baino ez dira baloratuko.

Merezimenduen balorazioaren aurka erreklamazioa paratzen ahalko da, 3 egun balioduneko epean, emaitzak Udalaren webgunean argitaratu eta biharamunetik aitzina, Udalaren edozein erregistrotan eskabidea aurkeztuta.

Zazpigarrena.- Gainditu dutenen zerrenda, izangai-zerrenda eta deia.

7.1. Behin proben kalifikazioa bukatuta, Epaimahaiak Iruñeko Udalaren webgunean (www.pamplona.es) eta Iruñeko Udalaren iragarki-taulan argitaratuko du gainditu dutenen zerrenda, lortutako puntuazioaren hurrenkeran (izena, abizenak, NANA eta lortutako puntuazioa



agertuko dira). Halaber, Giza Baliabideetako zuzendariari igorriko dio zerrenda, onets dezan, hautapen-prozesuaren espediente osoarekin batera.

Izangaiek guztira lortzen dituzten puntuetan berdinketarik bada, Tokiko Ekonomia Jasangarriko Alorreko Giza Baliabideen zerbitzuan eginen den zozketa bidez ebartziko da, eta berdinduta dauden izangaiei deituko zaie, zozketan egon daitezten.

Izangai-zerrendak izangaiek deitzeko hurrenkerarekin bat onetsi aurretik, desgaitasuna egiaztatu duten izangaiei osasun-azterketa bat eginen zaie, lanposturako gaitasuna zehazte aldera.

7.2. Behin jasota hautapen-prozesuaren espediente osoa, Giza Baliabideetako zuzendariak ebazpen bidez onetsiko du izangai-zerrenda, izangaiek deitzeko hurrenkerari lotuta (izena, abizenak, NANA eta lortutako puntuazioa agertuko dira), eta ikusgai paratuko da Udalaren iragarki-taulan eta webgunean (www.pamplona.es).

7.3. Gainditzen duten izangaiei Iruñeko Udalean sortzen diren beharren arabera deitzen ahalko zaie, arau hauetan ezarritakoarekin bat: Nafarroako Administrazio Publikoen Zerbitzuko Langileen Estatutuaren Testu Bategina onetsi zuen abuztuaren 30eko 251/1993 Legegintzako Foru Dekretuaren 88. artikulua eta hurrengoak; deialdi honen oinarriak; Tokiko Gobernu Batzarrak 2017ko apirilaren 25ean onetsitako erabakia –langileak administrazio araubidean kontratatzea arautzen duena–, eta haren eguneratzeak, bai eta aplikagarriak diren gainerako arauak ere.

Deia egiterakoan, aintzat hartuko da Nafarroako Administrazio Publikoetako Langileen Estatutuaren Testu Bateginaren zazpigarren Xedapen gehigarrian ezarritakoa, eta horretarako, % 33ko desgaitasuna edo handiagoa duten izangaiek egoera hori egiaztatu beharko dute organo eskudunak egindako jatorrizko agiria aurkeztuta, edo kopia konpultsatua edo legeekin bat kautotua.

Zortzigarrena.-Errekurtsoak.

Deialdi honen nahiz haren oinarrien eta hura aplikatzeko egintzen aurka, errekurtsio hauetariko bat paratzen ahal da, aukeran:

a) Berraztertze errekurtsoa, egintza zein organok egin eta horri zuzendua, hilabeteko epean, egintza jakinarazi edo argitaratu eta biharamunetik aitzina.

b) Gora jotzeko errekurtsoa, Nafarroako Administrazio Auzitegiari zuzendua, hilabeteko epean, errekurritutako egintza edo erabakia argitaratu edo jakinarazten denetik aitzina.

c) Administrazioarekiko auzi-errekurtsoa, Administrazioarekiko Auzien Iruñeko Epaitegiari zuzendua, bi hilabeteko epean, errekurritu nahi den egintza edo erabakia jakinarazi edo argitaratu eta biharamunetik aitzina.



Ayuntamiento de
Pamplona
Iruñeko Udala

Epaimahai kalifikatzailearen egintzen aurka, gora jotzeko errekurtsua aurkez daiteke, deialdia egin duen udal-organoari zuzendua, hilabeteko epean, errekurritutako egintza edo erabakia jakinarazten denetik aitzina.

Iruñean, 2017ko urriaren 31an. Iñigo Anaut Peña, Giza Baliabideetako zuzendaria



I. ERANSKINA

ESKABIDEA, DEIALDIAN PARTE HARTZEKO, DESINFEKZIO ETA MANTENTZE-LANETAKO OFIZIAL PROFESIONAL LANPOSTUAN ALDI BATERAKO KONTRATU BIDEZ ARITZE ALDERA

IZEN-ABIZENAK		
NAN / AIZ		JAIOTEGUNA
NAZIONALITATEA		EGUNGO HELBIDEA
POSTA KODEA / HERRIA	TELEFONO MUGIKORRA	TELEFONO FINKOA
HELBIDE ELEKTRONIKOA		

Desgaitasunaren egiaztapena (hala badagokio, soilik).

Desgaitasuna dut, eta eskabidearekin batera egiaztatzen dut.

Nire desgaitasuna dela-eta, eranstean dudana egokitzea eskatzen dut, adierazten ditudan arrazoiengatik (beste orri batean).

AZALPENA:

Ez dut eritasun edo akats fisikorik edo psikikorik, karguan aritzea galarazten didanik, eta ez dut indarra duten xedapenetan ezarritako ezintasunik.

Ez naiz diziplina espediente bidez bereizia izan inongo administrazio publikoren zerbitzutik, eta ez nago desgaituta edo gabetuta eginkizun publikoak betetzeko.

Deialdian eskatzen diren tituluen jabe naiz eta deialdiko baldintza guztiak betetzen ditut, eskabideak aurkezteko epea bukatzen den egunean.

ESKAERA:

Onartua izatea hautaprobaren bidez izangai-zerrenda bat osatzeko deialdian, DESINFEKZIO ETA MANTENTZE-LANETAKO OFIZIAL PROFESIONAL lanpostuan aritze aldera, aldi baterako kontratu bidez. Deialdiaren iragarkia 2017ko ____ Nafarroako Aldizkari Ofizialean argitaratu zen, _____aren ____ (e)koan.

DATUEN BABESA. Izaera Pertsonaleko Datuak Babesteari buruzko abenduaren 13ko 15/1999 Lege Organikoan ezarritakoa betez, jakitera ematen dizugu datu pertsonalak Iruñeko Udalaren "Udal Langileak" izeneko fitxategian bilduko direla, hautapen-prozesua kudeatze aldera. Halaber, jakitera ematen dizugu baduzula aukera datuetan sartu, datuak zuzendu, ezereztu eta haien kontra egiteko eskubideak gauzatzeko, Erregistro Orokorrean joaz (Kale Nagusia, 2 - 31001 Iruña), edo egoitza elektronikora (www.pamplona.es).

Iruñean, 2017koaren(e)an
(Sinadura)



II. ERANSKINA

GAI-ZERRENDA

1. Izurriak: espezie nagusiak, biologia eta habitatak. Bektore eta izurri kontzeptuak: arrisku nagusiak, lotutako arriskuak eta gaixotasunen kutsapena.
2. Izurri eta bektoreen kontrol integratua. Bektoreak eta izurriak kontrolatzeko erabilitako prozedura ez-kimikoak. Praktika egokiak izurriak prebenitu eta kontrolatzeko eragiketetan.
3. Izurrien kontrola hiriguneetan. Diagnostikoa eta tratamenduak kanpoaldean, eraikinen eta instalazioen barnealdean eta estolderia-sistemetan.
4. Biozidak: kontzeptua, osaera, formulazioa, baimendutako taldeak eta motak. Aldeak bioziden eta produktu fitosanitarioen artean.
5. Biozidak: sailkapena, erregistroa, ontziratzea eta etiketatua. FDS. Disoluzioak.
6. Biozidak: biltegitratzea eta garraioa. Segurtasun-aholkularia. Salgai arriskutsuak garraiatzea izurrien kontrola xede duten ibilgailuentzat.
7. Biozidak aplikatzeko teknikak eta ekipoak identifikatzea. Motak eta funtzionaltasunak. Biozidak aplikatzeko prozedurak. Ekipoak mantendu eta kontserbatzea.
8. Produktu bioziden toxikotasuna. Hondakin toxikoak eta arriskutsuak. Hondakin arriskutsuen kudeaketa zerbitzu bioziden enpresetan.
9. Jardunari lotutako arriskuak identifikatzea. Laneko istripuak eta gaixotasunak. Arriskuen prebentzioa eta lehen sorospinak. Babes kolektiboa eta norbanakoarena. NBEak (Norbera Babesteko Ekipamenduak).
10. 31/1995 Legea, azaroaren 8koa, Laneko Arriskuen Prebentzioari buruzkoa; xedea, aplikazio-eremua eta definizioak. Eskubideak eta betebeharrak.
11. 830/2010 Errege Dekretua, ekainaren 25ekoa, Tratamendu biozidak egiteko gaitzeari buruzko araudi erregulatzaileria ezartzen duena.
12. 528/2010 EB Araudia, biozidak merkaturatzeari eta erabiltzeari buruzkoa:
 - a. Helburu eta xedea
 - b. Aplikazio-eremua eta definizioak
 - c. Biozidak merkaturatu eta erabiltzea
 - d. Neurriak erabilera jasangarrirako
 - e. Bioziden sailkapena, ontziratzea eta etiketatua
 - f. Bioziden erregistroa